

साहित्य अकाडेमी लोगोसे इउ.एन.एकाडेमि आरो आइजो लिरगिरि गौथुमनि बानजायनायाव 'मुलाकात', 'लका' आरो 'नारी चेतना' हावाफारि खुंदों

कक्राझार, 30 अक्टबर:
साहित्य अकाडेमी लोगोसे
इउ.एन.एकाडेमि आरो आइजो
लिरगिरि गौथुमनि
बानजायनायाव 'मुलाकात',
'लका' आरो 'नारी चेतना'
हावाफारिखी कक्राझारनि
उथुमाइयाव थानाय इउ. एन.



एकाडेमि फरायसालिमायाव
सानसेनि मेहेर गोनां हावाफारिजों
खुंफुनाय जायो। हावाफारियाव
बेखेव बिबुंधिखी लाखियो
इउ.एन. एकाडेमि
फरायसालिमानि बिथोनगिरि
कृष्ण गणाल बसुमतारीया।
(□ 6 बिलाइआव)

साहित्य अकाडेमी लोगोसे इउ.एन.एकाडेमि आरो आइजो लिरगिरि गौथुमनि बानजायनायाव 'मुलाकात', 'लका' आरो 'नारी चेतना' हावाफारि खुंदों

बिथाइ हावाफारिखी बेखेवना होयो आरो हावाफारिनि बागै सुंदरै बिबुंधि लाखियो। गावनि सुंद'
बिबुंधिनि गेजेरजों साहित्य अकाडेमीनि मावबोनाय हावाफारि आरो मावगासिनो थानाय हावाफारिफोरनि
बागै बाहागो लानाय नायगिरि बिथांमोननो गुवारै फोरमायनानै होयो लोगोसेनो बिथाइ गुबुन गुबुन
बिथिआव बोसोरफोरमबो सावसिन लिरगिरिफोरनो साहित्य अकाडेमीनिफ्राय होनाय बान्वाफोर जेरि
- 'लाइमोन थुनलाइ बान्वा, गध' थुनलाइ बान्वा, रावसोलायनाय थुनलाइयारि बान्वा आरो गाहाइ
थुनलाइयारि बान्वाफोरनि सोमोन्दैबो फोरमायो आरो फरायसाफोरखी थुनलाइनि फोथाराव सिगांबोनो
खावलायो। हावाफारिनि बराय बिबुंधिखी होयो साहित्य अकाडेमी बर' सुबुरुनारि आफादनि सोदोमा
साधन ब्रह्मआ। गावनि बराय बिबुंधि लाखिनायजों लोगोसे साहित्य अकाडेमीजों खुंनाव 'मुलाकात'
हावाफारि जायखी लाइमोन लिरगिरिफोरखी लाफनानै खुंनाव जायो बेनि सोमोन्दै सुंदरै फोरमायनानै
होयो। गिबि हावाफारि बायदियै गिबियावनो दंमोन मुलाकात हावाफारि। बे हावाफारिनि मासिखी
सामलायदोमोन बर'नि मुंदाखा लिरगिरि उत्तरा बैसोमुथियारिआ आरो फरायथिगिरि महरै बाहागो
लादो विरखी बसुमतारी (खन्थाइ), जेनेभा मुसाहारी (सुंद सल') आरो रैथुन बसुमतारी (खन्थाइ)
गिबि हावाफारियाव सावायखर बाउबो बर' आइजो लिरगिरि गौथुमनि लेखइ आफादगिरि धीरज्यु
ज्योति बसुमतारीआ। नैथि हावाफारि बायदियै लका हावाफारि दंमोन। बर'नि मुंदाखा सेरजा हुगिरि
ऊ गोमोथाव बसुमतारी आरो बिथानि मोसागिरि हानजा लोगो लक्ष्मी ब्रह्म आरो प्रभा नारजारीमोनजों
लोगोसे लक हावाफारिआ जोबोद समायनारै जालाछे। बे हावाफारियाव ऊ गोमोथाव बसुमतारीआ
बर'नि दोरोछरि दामजु सेरजा हुनायनि बागै गोबां मिथिनो गोनां बाथ्राखी फोरमायना होयो लोगोसे
सेरजानि फारसे गावनि गोसो लेमनाय, सेरजा हुनो सोलोथेननाय, गावनि सोलोथाय लानाय आरो
जाफुंसारनो हानायनि बागै फोरमायो। बिथाइ गावनि रिसास खालामनायाव मोनदाथिफोरखी
नायगिरिफोरनो सेरजा हुनायजों लोगोसे दिन्धिना होयो। सेरजा हुनायाव गेजेरआसिनि बाहायनाय
आरो बाहायजायनि सोमोन्दै बिथाइ बुछेदि- 'बर'नि सेरजा हुनायाव गेजेर आसिखी बाहायोवला
बेयो बर' देखेनि सोलाय गुबुन हरिनि देखेनि महर लायो आरो गेजेर आसिखी बाहायोवला बर'नि
गुबै देखेनि महर लायो। "बिथाइ गावनि बिबुंधिनि गेजेरजों गोदो गोदायनिफ्राय सेरजा हुनाय
हुदानि सोमोन्दैबो फोरमायो आरो बुछे सिगांनि समाव सेरजाखी इसोरखी आरज गावनाय, बर'नि
खुगा मेथाइ बायदियाव बाहायनाय नुबोदोमोन। नाथाय सेरजा दामनाय हुदाया लासै लासै बाछइ
जालाछे आरो मोनसे समाव सेरजा दामनो रौनाय सुबुं सानखोआ आसिआव साननोसेबाल' जायो।
बिथाइ गावखी सेरजानि बिदों आरो दाथाइखी सोदाननि मिलीदोसिन खालामनायनि बागैबो फोरमायो।
बिथाइ बर'नि आरिमुनि बागै, बर'नि दोरोछरि दामजु आरो बेनि सोलोथाय लानायनि बागैबो
नायगिरिफोरनो फोरमायना होयो आरो दोनसो मेथाइनि देखेखी मिलीदो सेरजानि देखेजों खाव
जाहोनानै बयनिबो गोसोखी गोजोनगलाय होयो। जोबथा हावाफारिआ जाबाय नारि चेतना। बे
हावाफारिखी मासि लानानै दैदेनदोमोन अन्बु बसुमतारी (मुंदाखा लिरगिरि) आ। नारि चेतना
हावाफारियाव बुंधिगिरि महरै बाहागो लादो- सायासि बसुमतारी (भारतनायम मोसिगिरि), ड.
चिरती स्वर्गयारी (सोलोथाइगिरि), कौस्तुभ ब्रह्म (लिरगिरि), ऊ निजोम महिलारी (एमडि
पेडिएट्रिक), रिखासि बसुमतारी (मेथाइ रोजाबगिरि)। ऊ निजोम महिलारिया गावनि सोलोथाइ
लाजेननायनिफ्राय आरो ससे देहा फाहामगिरि जानायसिमनि मोनदाथिफोरखी बयनिबो सिगांआव
बुंधिना होयो। बिथानि देहा फाहामगिरि जानो हानायनि गुदि थुलुंगाहोगिरिखी गावनि आंगो जेनोमगिरि
बिमा होनना फोरमायो लोगोसे नख'रनि सुबुंफोर। गावनि देहा फाहामगिरि सोलोथाइ लानायव
मोनबोनाय गोबां खस्य' आरो गुबुन हरिनि मानसिफोरजों नासायजानायनि सोमोन्दैबो बिथाइ
फोरमायो लोगोसेनो बिथाइ बुंवावोदि - गुबुन गुबुन जायगायाव थानाय गेदेर गेदेर मुंदाखा गोजी
थाखेनि देहा फाहामसालि बायदि गावसोरनि बिबैनि मुखव खुलिनाय आइ आफा बि एम देहा
फाहामसालिखीबो सावसिन हामसिन गोजी थाखेनि देहा फाहामथायसालि बानायगोन होनना।
बिथानोमोन्हा गंसे नारसिं ट्रेनि इन्स्टिटुटडबो दं जेराव दाब दाब जायगानिफ्राय गोबां लाइमोनफोर
नासं सोलोथाइ लागसिनो दं होननायो बिथाइ फोरमायो। बिथाइ आथिखालनि फरायसाफोरनो
बोसोन होयोदि जिउआवआव माया मोनसे मावनायनि एवा जानायनि बाथि लायोवला बेखी
जाफुहोनायाव जेसेबाथि हेंथा हेंसि फैया मानो गोसोहोथाबना मावफुछेवला बाथिखायव देहासारनो
हायो। लोगोसे ऊ चिरती बसुमतारीयाबो गावनि सोलोथाइ लाजेननाय समनिफ्राय लानानै बिबुंगोस
जानाय समसिमनि गावनि सोलोथाइ लानायनि सोमोन्दै फोरमायो आरो आथिखालनि गोरिब नख'रनि
गध'फोर फरायसालि एवा कलेजफोराव एवसेन्ट जानायनि जाहोनखी बुनानै दुखु फोरमायो। □